



ՄԻՋԵԿԵՂԵՑԱԿԱՆ

**ԿԱՀԻՐԵՈՒՄ ՆՇՎԵՑ ԸԵՆՈՒԴԱ Գ ՊԱՏՐԻԱՐԷԻ
ԳԱՀԱԿԱԼՈՒԹՅԱՆ 30-ԱՄՅԱԿԸ**

Սույն թվականին նոյեմբերի 9-ին Կահիրեում Կեղի ունեցավ հանդիսավոր արարողություն՝ նվիրված Ղպպի Ուղղափառ Եկեղեցու Շենուդա Գ Պատրիարքի գահակալության երեսունամյակին: Այս առիթով Կահիրե էր ժամանել Արամ Ա Կաթողիկոսը: Նորին Սրբության ջրախմբին մաս էին կազմում Վարդան արքեպս. Դեմիրճյանը և Նարեկ ծ. վրդ. Ալեմեզյանը:

Կահիրե էին ժամանել նաև Անտիոքի Պատրիարք Մար Իզնավրիտու Զաքքա Իվասը, Էրիթրիայի Փիլիպոս Ա Պատրիարքը, Ալեքսանդրիայի և համայն Աֆրիկայի Հույն Օրթոդոքս Եկեղեցու Պետրոս Ը Պատրիարքի փոխանորդը, Ղապրի կաթոլիկ Պատրիարք Սրեֆանոս Բ-ն, Մերձավոր Արևելքի Եկեղեցիների խորհրդատու Վիկարիոս Գաբրիել Դեմետրիուս Գրիգորիան, Մերձավոր Արևելքի Ավետարանական Եկեղեցիների սինոդի նախագահը ու Եգիպտոսի Անգլիկան Եկեղեցու եպիսկոպոսը, Եգիպտոսի Ղապրի Ավետարանական Եկեղեցու ազգապետը, պապական նվիրակն ու այլ հյուրեր:

Նոյեմբերի 9-ին, ուրբաթ օրը, երեկոյան ժամը 6-ին, Աբբասիեի Անրա Ռուեսս վանքի Ս. Մարկոսի Մայր Տաճարում Կեղի ունեցավ զահակաւոյթյան 30-ամյակի Կրօնակապարտութիւնը: Խոսք ասացին հյուր Պատրիարքները և բարձր գնահատեցին Նորին Սրբութիւն Շենուդա Գ Պատրիարքի բազմադպրոց գործունեութիւնը:

Շենուդա Գ-ի գահակալության շրջանում Ամբա Ռուեսյի վանքում հաստատված փայարանում լույս են տեսել հարյուրավոր հոգևոր բնության և մեկնողական գրքեր: Իսկ արքայասահմանում գնվել կամ կառուցվել են ավելի քան հարյուր եկեղեցիներ և հիմնվել առաջնորդարաններ: Բանախոսներից յուրաքանչյուրի խոսքը ընդմիջվում էր հինգից վեց հազար հավատացյալների որոտորնդոստ ծափերով:

Ամենայն Հայոց Կաթողիկոսի շնորհավորական գիրն ընթերցեց եգիպտահայոց թեմի առաջնորդ, Գերշ. Տ. Զավեն արքեպիսկոպոսը (տե՛ս էջ 40) և հանուն Ամենայն Հայոց Կաթողիկոսի Շենուղա Գ Պարրիարքին հանձնեց ընկուզենու փայտի վրա փորագրված կես մետր բարձրությամբ հայկական ոճով գեղեցիկ մի խաչքար:

Հաջորդ օրը, կեսօրին, Ապպայիսե թաղամասի Ամբա Ռուեյս աթոռանիսր պատրիարքարանում Նորին Ամենապատվություն, Ալեքսանդրիայի և Համայն Աֆրիկայի Ղայրի Ողղափառ Պապ և Պատրիարք Շենուղա Գ-ի զահակալության 30-ամյակի առթիվ կազմակերպվեց հանդիսավոր ընդունելություն, ուր Շենուղա Գ Պարրիարքն հանդիսության մասնակիցներին հիշատակի նվերներ հանձնեց:

Նոյեմբերի 11-ին, կիրակի օրը, ժամը 9.30-ին, Կաեիրեի Ղանրա թաղամասի Ս. Կույս Աստվածածին Ատրի Ողղափառ եկեղեցում տեղի ունեցած արարողություններին նախագահեց Անտիոքի և Համայն Արևելքի Պատրիարք Մար Իգնատիոս Զաքարյա Իվասը: Տեղի ունեցավ Ս. Պատարագ, որի ընթացքում Սրբազան Պատրիարքը քարոզ խոսեց: Սույն արարողություններին ներկա էր Գերշ. Տ. Զավեն արքեպս. Չինչինյանը: Ավարտից հետո տեղի ունեցած ընդունելության ժամանակ Սրբազան Հայրը Մար Իգնատիոս Զաքարյա Պատրիարքին փոխանցեց Ամենայն Հայոց Հայրապետի եղբայրական ողջույնները և բարեմաղթանքները: